



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dissertatio Triplex Theologica, Ad Mentem Præclarissimi
Ecclesiæ D. S. P. Avgvstini, (Cui consonat Doctor
Angelicus cum Melliflvo,)**

Schweitzer, Johannes

Coloniæ Agrippinæ, Anno M.DC.LXXXII.

Approbationes Doctorum.

urn:nbn:de:hbz:466:1-39320



Approbatio Doctorum.

Opusculum, cui præfigitur titulus, *Dissertatio triplex Theologica ad mentem S. P. Augustini &c. de primorum hominum creatione, & innocentia statu, lapsu & peccato originali, & inde derivatis pœnis &c.* Legi, inveniè non solum expers errorum contra fidem Catholicam, & bonos mores, sed etiam per omnia conforme S. P. Augustini aliorumque SS. Doctorum & Patrum doctrinæ, quam Adm. Ritus & Eximus P. M. Joannes Schvveitzer, Ord. Erem. S. Augustini SS. Theologiz Doctor & Professor Ordinarius & Provinciæ Coloniensis Provincialis meritissimus solidè propugnavit, præsertim contra impugnatorem quendam juniores, cui optandum est, qnod olim optavit S. P. Augustinus cuidam juveni Catholico, qui aliquod ejus opusculum impugnaverat, videlicet: *ut recta sentiet & vera loqueretur, & quod cruditas loquacitatis eruerat, et aetate maturitas decoqueret..* Hoc futurum S. Pater speravit, & non erravit, quia post ostensos errores & pravitates præsumptionis, ut loquitur S. Pater, restripta correctione ejus accepit. lib. 5. Retract. c. 56. lib. 1. de anim. & ejus orig. c. 3. Dabam in Conventu S. P. Augustini Coloniæ 6. Martij 1682.

Fr. Ioannes Guilielmus à Lüzenrode Ord. Erem.
S. P. Augustini SS. Theol. Doctor & professor Ord.
nec non S. Facultatis p.t. Decanus.

Differ-

Dissertationem Triplicem Theologicam sedulò ac
studiosè evolvi, nihilque reperi, quod vel sanæ fi-
dei, vel bonis moribus officiat: quin potius notavi so-
lidam ejusdem doctrinam èd collimare, ut arctam salu-
tis viam juxta dictum trium SS. Doctorum strenuè
ostendat. Quare illam typis dignissimam censeo , ut
confundantur scioli , instruantur ignari. Dabam Co-
loniæ 6 Martij 1682.

*Fr. Henricus Hilden Ord. Præd. SS. Theol. Magi-
ster & Publicus in Universitate Colonensi Pro-
fessor.*

Quia nemo lucernam accedit & in abscondito
ponit, neque sub modio, sed super candelabrum,
ut qui in- & egrediuntur , lumen videant ; ideo vel ma-
xime dignus est Liber intitulatus. *Dissertatio Theologica*
triplex ad mentem S. Augustini (cui consonat Doctor An-
gelicus cum Mellifluo) de primorum hominum creatione,
statu innocentia, lapsu, pectato originali, & pænis inde de-
rivatione &c. ab Admod. Rdo & Eximio Patre Joanne
Schweitzer Ord. S. Augustini in Universitate Colo-
niensi SS. Theologiæ Doctore & Professore Ordina-
rio, nec non Provinciæ Coloniensis dicti Ordinis Pro-
vinciali dignissimo concinnatus, ut super Ecclesiæ po-
natur candelabrum, profundissimæ Augustinianæ do-
ctrinæ lucem procul diffundat, illuminetque eos, qui in
obscuris vagarum probabilitatum reflexionibus reflexo
reflexis ambulant, utpote, qui non tantum nihil ortho-
doxæ fidei aut bonis moribus adversum, quin etiam in-
concußam sanctorum Doctorum , Augustini , Thomæ
Aquinatis , & Bernardi de leculi hujus sententiarum

probabilitatibus mentem, clarè, solidè, & modestè explicat. Ita censeo Coloniæ die 6. Martij, Anno 1682.

Fr. Ioannes Lorbecher, Ord. Præd. Conventus S. Crucis pro tempore Prior & in Universitate Coloniensi SS. Theol. Doctor & Professor Ordinarius.

HAnc Dissertationum Theologicarum Triadem attente, ut meretur, perlegi; in ea quod fidem sanam, quod probatos mores offendat, offendit nihil. Mirum est, quam dextrè quaqua versum fulgentissimi Ecclesiæ Solis S. P. AUGUSTINI hic resplendeat radicis, operâ Adm. Reverendi & Sapientissimi Patris Magistri concinnatoris & nomine pro Ecclesia, & Augustiniano. Thomistica veritate gratia Dei desudantia eximie reflexus. Fundamentum in hac Triade ponit Magnus Augustinus superædificat S. Doctor Angelicus, claram suavitatem admiscet Clare-Vallensis apis D. Bernardus. Hæc itaque Theologica Dissertationum Trias sub triga hac Sanctissimorum Ecclesiæ Doctorum in lucem vehatur, ut palam pro merito evehatur. Cadent æmuli; quia tantus Funiculus triplex diffisile rumpitur. Ita sentio ipso S. Thomæ Angelici Magistri nostri fidelissimi verò S. P. Augustini Discipuli ac interpretis Natali. Anno salutis 1682.

Ioannes Forsbach Colon. SS. Theolog. Doctor. Publicus & Ordin. Professor B. MARIAE V. in Dothaus vulgo Ense-Kirchen Pastor S. Georgii Canonicus Prebendatus & Capitularis.

Augur

Augustinum suum ubique spirat, sapit, loquitur
Dissertationis hujus Triplicis Author, prout me-
cum intuenti patebit, & placebit, cuicunque Augu-
stinus & severioris Disciplinæ secura sanctimonia non
displacebit. Quod unum dum dixi, sat multa dixi in
hujus libelli commendationem. Coloniæ in Professo.
S. Thomæ Aquinatis, Doctoris Angelici. Anno
1682.

Ioannes Plaum SS. Theol. Doctor Ordin. ac pub-
licus Professor, ad s. Cunibertum & s. Paulum
respectivè Canonicus & Pastor.

Funiculus triplices difficile rumpitur: hoc ipsum stu-
diosissimus præsentis Triplicis Dissertationis Theolo-
gica Author prudentissimè considerans Adm. Rdus &
Eximus P. Joannes Schvveitzer Ord. Erem. S. Au-
gustini SS. Theolog. Doctor & Professor Ordinarius,
dicti Ordinis Provinciæ Coloniensis Provincialis, ean-
dem trium Sanctissimorum Ecclesiæ Doctorum Au-
gustini, Thomæ Aquinatis, & Bernardi profundissimis
doctrinis, Angelicis argumentis, mellifluis sententiis,
velut triplici Charitum nexu, ita non minus fortiter,
quam sapienter colligavit, ut nullius imposterum Op-
ponentis industria dissolvi metuat; proinde cum tri-
plicis illius Dissertationis solidissima, Authore suo di-
gnissima, ac trium præfatorum Doctorum menti un-
diquaque consona dogmata maturo examine cum vo-
luptate pervolvendo, nihil in ipsis aut fidei catholicæ
contrarium, aut bonis moribus inimicum deprehen-
derim.

detim , meritissimam censeo , quæ prælum subeat , & omnium manus summa cum utilitate percurrat . Coloniæ in Seminario Benedictino Anno 1682. 1. Martij.

F. Beda Wachendorff Ord. S. Benedicti Monasterij S. Pantaleonis Professus , ss. Theol. Doctor & Professor Ordinarius supradicti Seminarij Regens.

Quantoperè novellus quidam Theologus in suis manuscriptis de opinionum probabilitate nuper publicè dictatis cœcutiat ; quam & parum versatus sit in S. Augustini veridicis dogmatibus ; quam alienus à melleis melliflui Doctoris doctrinarum fontibus ; quam rudis in Angelicis Scholæ Angeli Doctoris Angelici Theologicarum literarum monumentis : denique quam hujus ævi , horum sanctæ Matris Ecclesiæ Luminarium per omnia exactissimè se attemperantibus sententiis ; nonnullis uti ingenii acie exultissimis , ita conscientiarum integritati , puritati & tranquillitati consulendæ studiosissimis Doctoribus injurius extiterit , prodidit : dum per summam nec veritatis amanti ferendam calumniam , eos non qualescunque , sed *eminentes lausenistas* exhibilare non erubuit . A quorum numero cum pariter harum Dissertationum Auctorem Admod. Reverendum & Eximium P. F. Joannem Schyveitzer S. Theol. Doctorem Sapientissimum , Ord. S. P. Augustini Eremitarum Provincialem dignissimum , eximere non videatur , is jure me- ritissi-

ritissimo ansam sibi dataam & suggestam arripuit, hanc
à se , aliisque S. P. Augustini , Angelici Doctoris &
S. Bernardi discipulis impactam amoliendi calum-
niam , & lixvio , quali decet,tam procacis , ignoran-
tis & petulantis calami spurcitem detergendi. Quod
cum in hac *triplici Dissertatione* , sine ullo offendiculo ,
& pro eâ , qua pollet , congenita morum suavitate ,
modestè , doctè , & ex suprannominatorum S. Ecclesiæ
Doctorum dogmatibus , ac Summorum Pontificum
decretis depromptis fundaminibus præstet : Hinc est ,
quod *triplicem hanc Dissertationem* prælo dignissi-
mam judico. Coloniæ in Conventu S. Crucis An-
no 1682, 6.. Martij.

Fr. Leonardus Messen Ordin. Præd. ss. Theol.
Doctor & Professor Ordinarius ac Publicus.

Libellum hunc tanquam algerum Paradisum in-
gressi, nihil inordinati, sed pulchra, venusta, per-
amœna omnia , atque in statu innocentiae constituta
reperimus ; nec non Magni illius Augustini mirifico spi-
ritu , quem in operis hujus Auctore eximio requies-
centem veneramur, quam dignissima, adeoque prælo
divulganda. Coloniæ 3. Martij 1682.

Fr. Sylvester Schweitzer Ord. FF. Minorum Con-
ventionalium ss. Theol. Doctor & Professor Ordina-
rius , ac Publicus , Commissarius Generalis ac p. t.
Guardianus Coloniensis.

Fr. Hilgerus Knutgenius Ord. Minorum Conven-
tualium ss. Theol. Doctor & Professor Ordinarius ,
Censor